



三因方
西行集



武
128
8



門七武
冊 528
卷 8



三因極一病證方論卷之十三

痰飲叙論

森氏開萬
冊府之記

人之有痰飲病者由榮衛不清氣血敗濁凝結而成
內則七情汨亂藏氣不行鬱而生涎涎結為飲為
府所因外有六淫侵冒玄府不通當汗不泄蓄而為
飲為外所因或飲食過傷嗜慾無度叫呼疲極運動
失宜津液不行聚為痰飲屬不內外因三因所成證
狀非一或為喘或為咳為嘔為泄暈眩嘈煩忪悸愴
懷寒熱疼痛腫滿攣癖癰閉痞隔如風如癩未有不
由痰飲之所致也

三因極一病證方論卷之十三

痰飲證論

古方唯分四飲六證不說三因不知其因病源無自
觀夫治飲之法既用大小青龍桂枝防已五苓承氣
得非外因參苓苓朮八味參蘇得非內因十棗葶藶
大小半夏控涎破飲不內外因理固明矣以此推求
頗得倫類今叙列諸證以為治門須原本因施用湯
藥學者自宜詳審所謂四飲者即懸飲溢飲支飲痰
飲是也懸飲者飲水流在脇下咳唾引痛溢飲者飲
水流於四肢當汗出而不汗自體疼重支飲者咳逆
倚息短氣不得卧其形如腫痰飲者其人素盛今瘦

腸間漉漉有聲又有留飲者背寒如手大或短氣而
渴四肢歷節疼脇下痛引缺盆欬嗽則轉甚又有伏
飲者膈滿喘咳嘔吐發則寒熱腰背痛目淚出其人
振振惡寒身暈故曰四飲生六證或云五飲者即
留飲伏飲合為一證是也其脉皆弦微沉滑治之之
法懸飲當下之溢飲當發其汗支飲則隨證汗下痰
飲則用溫藥從小便去之其間或隨氣上厥伏留陽
經使人嘔吐眩暈背寒或一臂不隨有類風狀不可
不知

痰飲治法

十棗湯治懸飲咳唾引胸下痛又治支飲咳煩胸中痛至百白一歲其脉弦者

芫花

微炒

甘遂

大戟

炒

右等分爲末水壹盞半棗十個煎至八分去棗調藥壯人一錢羸人半錢平且温服不下者次日更加半錢下後糜粥自養若已下不可與之

大青龍湯治溢飲自體疼重汗不出拘急痛

麻黃

去節湯七錢半

桂心

甘草

炙各錢半

石膏

雞子大

杏仁

肆拾个炒去皮尖

右爲剉散每服肆大錢水壹盞半薑伍片棗貳枚

煎染分去滓空腹服温覆一服汗者勿再服復服汗出多亡陽虛逆惡風煩躁不得眠也

小青龍湯治溢飲支飲倚息不得卧及喘滿者

麻黃

湯去節芍藥

細辛

桂心

乾薑

炮

甘草

炙各參錢參字

五味子

貳錢

半夏

湯洗漆次參錢

右爲剉散每服肆大錢水壹盞半煎染分去滓空腹服渴者去半夏加括樓根參錢參字微利去麻黃加芫花壹雞子大炒入噎者去麻黃加附子壹枚炮小便不利者去麻黃加茯苓半兩喘者去麻黃加杏仁三錢五字欬而上氣肺脹其脉浮心下

有水氣者胸中痛引缺盆加石膏二錢半研

防已桂枝湯治膈間支飲其人喘滿心下痞堅面色

黧黑其脉沉緊得之數十日醫吐下之不愈

漢防已 三兩 桂心 二兩 人參 四兩 石膏 六兩

右四味為剉散每服四大錢水壹盞半煮柒分去

滓温服虛者即愈實者三日後發再服不愈宜去

石膏加茯苓肆兩芒消壹兩半微利則愈

小承氣湯治支飲胸滿

厚朴 肆兩 大黃 二兩 枳實 一兩 炒去穢

右為剉散每服肆大錢水壹觥半煎柒分去滓不

以時加減

茯苓五味子湯治支飲手足冷多唾口燥氣從小腹

上衝胸咽手足痺面熱翕然如醉因復下流陰股

小便難時復眩肩嘔腫

茯苓 四兩 桂心 二兩 甘草 各三兩 五味子 二兩

右為剉散每服肆大錢水一盞半煎柒分去滓空

腹服服之衝氣即低反更咳滿者去桂加乾薑細

辛各三兩咳滿止而復渴衝氣更發者以細辛乾

薑為熱藥此法不當遂渴反止者為支飲也支飲

法當冒冒者必嘔嘔者復加半夏二兩半以去其

飲飲夫嘔則止其人形腫與痺加杏仁二兩半若
面赤如醉以胃中熱上熏加大黃三兩須詳證加
減

大半夏湯治膈間有飲卒嘔吐心下痞眩悸

半夏 伍兩 茯苓 三兩

右為剉散每服肆大錢水二盞薑朮片煎十分去
滓溫服

小半夏湯治支飲嘔吐不渴

半夏 湯洗柒次

右為剉散每服四大錢水貳盞薑拾片煎七分去

滓溫服

葶藶大棗瀉肺湯治支飲不得息方見肺癰門

五苓散治瘦人臍下有悸者挾涎沫而癩眩者飲也

方見傷暑門

茯苓湯治心氣不行鬱而生涎胸脇支滿目眩以胸

中有痰飲也

茯苓 肆兩 桂心 白朮 各三兩 甘草 炙二兩

右為剉散每服肆大錢水一盞半煎柒分去滓空
腹服小便利則愈

參苓飲治胸中停痰宿水自吐出痰後心胸間虛氣

滿不能食

茯苓 人參

白木

各三兩

枳實

麩炒去穰二兩

橘皮

一兩半

右為剉散每服四大錢水二盞薑三片煎七分去滓空腹溫服

八味圓治失志腎虛鬱而生涎短氣喘噎當從小便

去之中有茯苓故

方見消渴

參蘇飲治痰飲停積胸中中脘閉嘔吐痰涎眩暈嘈

煩松悸噓逆及痰氣中入停留關節手脚躡曳口眼喎邪半身不遂食已即嘔頭疼發熱狀如傷寒

前胡

人參

紫蘇葉

茯苓

各三兩

桔槓

木香

各半兩

半夏

盪陳皮

枳殼

炒

甘草

炙各半兩

右為剉散每服四錢水一盞半薑柒片棗一枚煎至柒分去滓空腹服噓者加乾葛腹痛加芍藥

破飲圓治五飲停蓄胸腹結為癥癖支滿胸脇傍攻

兩脇搶心疼痛飲食不下翻胃吐逆九種心痛積

年宿食不消久瘧久痢遺尸疰忤癩癘厥暈心氣

不足憂愁思慮婦人諸疾但是腹中諸病悉能治

療久服不傷臟氣

葶撥

丁香

胡椒

縮砂仁

烏梅肉

青皮

巴豆

去皮

木香

蝎梢

等分

右以青皮同巴豆漿水浸一宿次日漉出同炒橘
皮焦去巴豆將所浸水淹烏梅肉炊一熟飯細研
為膏丸如菉豆大每服五七圓臨臥薑湯下津液
下尤佳

控涎丹凡人忽患胸背手脚頸項腰痛不可忍連筋
骨牽引釣痛坐臥不寧時時走易不定俗醫不曉
謂之走注便用風藥及針灸皆無益又疑是風毒
結聚欲為癰疽亂以藥貼亦非也此乃是痰涎復
在心膈上下變為此疾或令人頭痛不可舉或神
意昏倦多睡或飲食無味痰唾稠粘夜間喉中如

鋸聲多流睡涎手脚重腿冷痺氣脉不通誤認為
癰瘰亦非也凡有此疾但以是藥不過數服其疾
如失

其遂

去心

紫大戟

去皮

白芥子

真者各
等分

右為末煮糊丸如梧子大曬乾食後臨臥淡姜湯
或熟水下五七丸至十丸如疾猛氣實加丸數不
妨其效如神

強中丸治胃脘虛寒冷痰留滯痞塞不通氣不升降
口苦無味不思飲食

高良姜

乾姜

炮

陳皮

青皮

各一兩

半夏

湯洗去
滑二兩

一法上件並不持擇

右為末用生姜自然汁煮麪糊為丸如梧子大每服二十丸至三十丸生姜湯下丸中滿氣痞服之甚妙

九例

前證用藥多出漢方但古科劑與今不同已詳酌改從今用其如校定備見前說唯外所因證候誰明風燥寒凝暑燥濕滯皆能閉諸絡鬱而生涎不待飲水流入四肢而致支溢疼痛也當以理推無膠軌轍

喘脉證治

夫五臟皆有上氣喘咳但肺為五臟華蓋百脉取氣於肺喘既動氣故以肺為主病者右手寸口氣口以前脉陰實者手太陰經肺實也肺必脹上氣喘逆咽中塞如輿嘔狀自汗皆肺實證若氣口以前脉虛者必咽乾無津少氣不足以息此乃肺虛氣乏也

杏參散治上氣喘滿倚息不能卧

杏仁

桃仁

並麩炒
去皮尖

桑白皮

蜜炙三度白泔浸
一宿控乾各一兩

為細末每服二錢水一盞姜三片棗一箇煎七分不以時

神祕散定喘植心腎下氣

杏參散

阿膠一分 雞胓脰兩三 白仙茆半兩 米泔浸
團參一分

右為末每服二錢糯米飲調空腹服

真應散治遠年喘急不能眠卧百藥無效皆

白石英四兩 通明者以生縮袋盛用雄猪肚一箇
箇如前法煮三煮
了取茶出控乾研

右為末以官局款冬花散二錢入茶末二錢更桑
白皮二寸生姜三片棗子一箇水一盞半煎至七
分通口服亦可喫只不得用醬醋鹽椒姜等調
和

麥門冬湯治大逆上氣喘急咽喉不利止逆下氣

麥門冬去心一兩一錢 半復湯洗六錢一字 人參一分 甘草炙一分
粳米二錢

右為麤散每服四大錢水三盞棗二箇煎六分去

滓空心服

清肺湯治上氣脉浮欬逆喉中如雞聲喘息不通呼

吸欲絕

紫苑茸 杏仁去皮尖 訶子煨去核各二兩 漢防己一兩
右為剉散每服四錢水一盞半雞子白皮一片煎
七分去滓食後服

神祕湯治上氣不得卧

橘皮 桔梗 紫蘇 人參 五味子各等分
右為劉散每服四錢水一盞煎六分去滓食後

皺肺圓

貝母炒 知母 秦艽 阿膠炒 欵冬花
紫苑茸 百部去心 糯米炒各一兩 杏仁去皮尖別研四兩
右為末將羊肺一箇先以水灌洗看密得水多少即
以許水更添些煮杏仁令沸瀉過灌入肺中繫
定以糯米泔煮熟研細成膏搜和煎茶末并數千
下圓如梧桐子大每服伍拾圓食前桑白皮湯下

理氣圓治氣不定動便喘噎遠行久立皆不在汗

出鼻乾心下急痛苦悲傷臥不安

杏仁去皮尖麩炒別研 桂枝去皮各兩 益智去皮 乾薑炮各二盛
右為末蜜圓如梧桐子大以鍾乳粉為衣每服二
拾圓空腹米湯下

黑錫丹 方見眩暈門

白散子 方見中風門 二茶皆可用

肺痿肺癰叙論

肺為五臟華蓋百脉取氣運動血脉衛養臟腑灌注
皮毛將理失宜氣與血亂則成肺痿肺癰矣然五臟

皆有痿癱而獨論此者以筋屬金數盡于陽九位最高而為五臟長多致此病故獨論此餘如內癱及五痿訖又此病多生喘咳故列于痰飲喘咳云

肺痿證治

病者寸口脉數而虛按之瀰身冷內煩多唾唇燥小便反難大便如爛瓜豚腦狀欲咳不咳咳出乾沫唾中出血心中温温液液上氣喘滿或燥而渴者多因發汗利小便或嘔吐消渴數投酸棗重亡津液致熱在上焦故成肺痿

甘草乾薑湯治肺痿多涎唾小便數肺中冷必眩不

渴不咳必遺溺所以然者上虛不能制下也

甘草 炙四兩 乾薑 二兩炮

右為剉散每服肆錢水一盞半棗三箇煎柒分去滓温服不拘時候

人參甘草湯治肺痿咳嗽涎沫不止咽燥而渴

人參 一兩 甘草 炙一兩三錢

右為剉散每服四錢水一盞半薑伍片棗三箇煎柒分去滓温服

温液湯治肺痿涎唾多出血心中温温液液

甘草 炙

右為劉散每服四錢水一盞半煎七分去滓溫服

肺癰證治

病者寸口脈數而實按之滑咳唾膿血口中辟辟燥
胃中隱隱痛口乾喘滿咽燥不渴咳唾濁沫腥臭時
時振寒熱之所過血為凝滯蓄結癰膿吐如米粥故
為肺癰始萌可救膿成則難治

葶藶大棗瀉肺湯治肺癰胃滿脹一身并面自浮腫
鼻塞清涕出下聞香臭酸辛咳逆上氣喘鳴迫塞
葶藶似今黃研細丸如彈子大

右一味用永三盞煮棗十枚至一盞去棗入葶煎

至七分分食後服金匱令先投小青龍湯三服乃進
此茶

小青龍湯方見痰飲門

如聖湯治欬而胃滿振寒脈數滑咽乾不渴時出濁
唾腥臭久久吐膿若粥者為肺癰

桔梗一兩 甘草炙二兩

右為劉散每服四錢水一盞煎七分去滓不以時
服兼治喉痺咽痛

葶藶湯治肺癰

葶藶仁 瓜瓣仁 桃仁去皮尖

右為劉散每服四大錢水二盞先以葶葉一握煎取三盞去滓入茶煎陸分食後服或吐膿血勿怪

腰痛叙論

夫腰痛雖屬腎虛亦涉二因所致在外則臟腑經絡受邪在內則憂思恐怒以至房勞墜墮皆能致之方書五種之說未為詳論但去聖逾遠文藉簡脫難以討論雖是缺文不可棄置隨其有無提其綱目庶幾後學以類推尋為治療之典據耳

外因腰痛論

太陽腰痛引項脊骨如重狀陽明腰痛不可以顧

顧則如有所見善悲少陽腰痛如針刺其皮循循然不可俛仰不可以顧太陰腰痛煩熱腰下如有橫木居其中甚則遺洩少陰腰痛引脊內厥陰腰痛腰中強急如張弩弦狀此學六經以為外因治備大抵太陽少陰多中寒少陽厥陰多中風熱太陰陽明多燥濕以類推之當隨脈別其如經中有解脈散脈同陰會陰陽維衡絡直陽飛陽肉里尻交等穴皆不出六經流注但別行各有所主不欲繁引請尋內經刺腰痛論以備明之准此從所因汗下施治

內因腰痛論

失志傷腎，鬱怒傷肝，憂思傷脾，皆致腰痛者，以肝腎同系脾胃表裏，脾滯胃閉，最致腰痛，其證虛羸不足，面目黧黑，遠行久立，力不能盡，失志所為也。腹急脇脹，目視眈眈，所折不得意，淫於外，宗筋弛縱，及為白淫，鬱怒所為也。肌肉濡漬，痺而不仁，飲食不化，腸胃脹滿，閉墜腰脇，憂思所為也。准此從內所因，調理施治。

不內外因腰痛論

腎著腰痛，腰冷如水，身重，不渴，小便自利，食飲如故，腰以下冷重，如帶五千錢，因作勞汗出，衣裏冷濕，久夕得之，暨反對腰痛者，偃僂腫重，引季脇痛，因於墜

墮惡血流滯，及房勞疲力耗竭，精氣致腰疼痛，准此從不內外因補瀉施治。

獨活寄生湯

夫腰痛皆由腎氣虛弱，其冷濕地當風

所得不時速治，喜流入脚膝，為偏枯冷痺，緩弱疼重，或腰痛攣脚重痺，宜急服此。

獨活 三兩

桑寄生

古今錄驗用續斷即寄生亦名非正續斷也

杜仲 製炒

細辛 去苗

牛膝

酒浸

秦朮 去土

茯苓

白芍藥

桂心

不見火

甘草

防風

去蘆

甘草 炙

人參

熟地黄

當歸

各二兩

右為剉散，每服四大錢，水二盞，煎七分，去滓空

腹服氣虛下利除地黄并治新產腹痛不得轉動
及腰脚攣痛痺弱不得屈伸此湯最除風消血肘
後有附子一枚無寄生人參芍草當歸近人將治
歷節風并脚氣流注甚效

小續命湯治風腰痛最妙方見中風門加桃仁破去皮尖

牛膝酒唐筠州刺史王紹顏傳信方云頃年予在
姑蘇得腰痛不可忍醫以腎傷風毒攻刺此方即
製一劑服之便減五分步履漸輕

牛膝 川芎 羌活 地骨皮 五加皮
薏苡仁各二兩 甘草 生地黃兩十 海桐皮兩二

右為劉散帛畏入無灰酒二斗浸冬二漆日夏月
分數服旋浸三五宿每服一盃日三四盃長
氣不絕為佳一法入杜仲一兩炒絲斷入

杜仲酒風冷傷腎腰痛不能屈伸并補腎虛

杜仲 一片切姜汁製炒去絲斷

右用無灰酒三升浸拾日每服二三合日四伍服
一方為末温酒調一錢空心服

腎著湯治腎虛傷湿停著為病身重腰冷如冰洗狀

不渴小便自利食飲如故腰以下冷痛重如帶石錢
乾薑炮 茯苓各四兩 白朮各二兩 甘草炙 白朮各二兩

右為劉散每服四大錢水一盞半煎漆分空腹冷服又治體虛自汗甚效

鹿角圓治腎虛傷冷冷氣入腎其痛如掣

鹿角屑一兩酥附子炮二兩桂心三分

右為宋酒糊圓如梧子大塩酒下三伍拾圓空心服

安腎圓治腎虛腰痛陽事不舉膝骨痛耳鳴口乾面

色驚黑耳輪焦枯

補骨脂炒葫蘆巴炒茴香炒川練炒續斷炒各三兩

槐仁麩炒去皮杏仁如上山茱切茯苓各二兩

右為宋蜜圓如梧子大塩湯伍拾圓空心服

青娥圓治肝腎虛腰腿重痛并治風濕脚氣常服壯

筋補虛填精益髓

杜仲一斤生薑十兩破故紙一斤

右為宋用胡桃肉一百二十箇湯浸去皮研成膏入少熟蜜圓如梧子大每服伍十圓塩酒塩湯任下食前服

神應圓治腎經不足風冷乘之腰痛如折或引背脊俛仰不利轉側亦難或役用過度勞傷於腎或寢卧冷濕地氣傷腰或墜墮傷損並宜服之

歲靈仙

去土 二兩

桂心

當歸 各一兩

右為末以酒煮糊圓如梧子大每服三五十圓煎
茴香湯或炒茴香酒下食前服婦人煎桂心湯下
有孕婦人不得服一方添破故紙桃仁地膚子等

分

立安圓治五腫腰痛常服補腎強腰脚治脚氣

破故紙

生 續斷

木瓜乾

牛膝

酒浸

杜仲

去皮剉薑製炒 絲斷各一兩

草薺

右為末蜜圓如梧子大每服伍十圓塩湯塩酒任

下

五積散治感寒濕與脾胃氣蔽腰痛最效

方見傷寒 太陰經加

桃仁

熟大黃湯治墜墮閃肭腰痛不能屈伸

大黃

切如 生薑 各半 兩切

右同炒令焦黃以水一大盞浸一宿五更去滓頓

服天明所下如雞肝者即惡物出

橘子酒治打撲腰痛惡血蓄瘀痛不可忍

橘子

炒去皮

右一味研細每服二錢七酒調服未知再作或用
猪腰子一隻去筋膜破開入茶同葱白茴香塩濕

紙裹煨熟細嚼溫酒下

桃仁酒治腎虛風勞所傷毒腫掣痛牽引小腹連腰

痛

桃仁麩砂去皮尖

右一味研細每服抄四錢上熱酒調下即汗愈

虛損證治

難經論損從皮毛至于筋骨者此乃辨氣脈淺深次第也原其所因屬不外或大病未復便合陰陽或疲極筋力飢飽失節盡神度量叫呼走氣所以諸證蜂起百病交作吐血衄血便血瀉血遺泄白濁冷滑

洞瀉白汗黃汗嘔吐咯痰涎沫痰飲遂使榮衛走本虛羸損傷皆自此始蓋由背於人身常理而致然也况婦人產後過於大病虛損尤多不可不知列而論之證狀非一姑舉數條以為治備要當攷尋脈理推其元氣胃氣資始資成扶助陰陽辨別標本蓋不可隨證冷熱妄行施治要論曰粗工嘻嘻以為可之言熱未已寒病復始同證異形迷氣亂經學者謹之精思有靈

正元散大治元氣虛臍腹脹滿心脇刺痛洩利嘔吐自汗陽氣漸微手足厥逆及傷寒陰證霍亂轉筋

久下冷利少氣羸困一切虛寒見自汗門

麝香鹿茸圓治精氣耗散血少不增陽道不興服此

調榮衛利腰脚補精血主諸虛百病

鹿茸酥炙一兩半熟地黄二兩沉香三分麝香一兩別研

右為末入麝香研勻蜜丸梧子大空心溫酒鹽湯

任下二十九

大山芋圓治諸虛百損五勞七傷肢體沉重骨節酸疼心中煩悸唇口乾燥面體少色情思不樂咳嗽喘乏傷血傷氣夜多異夢盜汗失精腰背強痛臍腹弦急嗜卧少起善驚多忘飲食減少肌肉瘦瘠

又治風虛頭目眩暈心神不寧及病後氣不復常

漸成勞損久服補不足愈風氣百病

山芋七兩半當歸桂心神麴炒

熟地黄各二兩半甘草人參一兩七分

川芎芍藥白朮麥門冬去心

杏仁各二兩半柴胡白茯苓各二兩一分

阿膠各二兩七分半乾姜炮三分白欬半兩防風去叉一兩半

棗一百箇炊去皮核

右為末蜜丸與棗肉同和丸如彈子大每服一丸溫酒米湯任噉下加琥珀一兩遠志去心炒二兩

茯苓二兩半即是養心丹鹿勞遺泄白濁加龍骨二兩

羊肉圓治真陽耗竭下元傷損耳輪焦枯面色黧黑腰重脚弱陽事不興常服壯元陽補真氣益精駐顏

補骨脂炒 葫蘆巴炒 茴香炒 川練炒 續斷

附子炮去皮臍 茯苓各三兩 桃仁 燻炒去皮 尖別研 杏仁同上法炒

山茶 炒各二兩

右為末精羊肉四兩酒煮研細入麩煑糊丸如梧子大塩湯温酒空心任下三五十九

大補圓治元臟虛憊血氣不足白濁遺泄自汗自利

口苦舌乾四肢羸瘦婦人諸虛皆主之

木香炮 附子炮去皮臍 茴香炒 菴蓉酒浸

川椒炒去汁各十兩 桃仁炒去皮尖 葫蘆巴

牛膝酒浸 巴戟去心 五味子 黃耆

白茯苓剌炒去 澤瀉各五兩 羌活

檳榔 天麻 川芎 桂心各二兩

右為末蜜丸梧子大塩湯酒空腹任下三五十九

免絲子圓治腎氣虛損五勞七傷小腹拍急四肢酸疼面色黧黑唇口乾燥目暗耳鳴心忪氣短夜夢

驚恐精神困倦喜怒無常悲愛不樂飲食無味舉
 動乏力心腹脹滿腰膝緩弱小便滑數房室不舉
 股內濕痒水道澁痛小便出血時有遺瀝
 鬼絲子酒浸桂心焙鹿茸去毛切附子炮去皮臍澤瀉
 石龍芮去土各一兩杜仲去皮切姜汁製炒斷茯苓
 巴戟去心山茱萸 萹澄茄 沉香 熟地黃
 補骨脂 石斛 牛膝酒浸續斷 川芎
 五味子 覆盆子 桑螵蛸酒浸炒各半兩
 右為末酒糊丸如梧子大每服三十丸溫酒鹽湯
 任下脚膝無力木瓜湯下淋閉木通湯下

如應丸治脾元氣弱久積陰冷心腹滿痛面色青黃
 肌體瘦弱怠惰嗜卧食少多傷噫氣吞酸噦逆惡
 心腹中虛鳴大便泄利胃隔痞塞食飲不下霍亂
 嘔吐肌冷轉筋及五膈五噎久痛久痢方見癥瘕門
 增損樂令湯治諸虛不足小腹急痛脇助膜脹臍下
 虛滿胃中煩悸面色痿黃唇乾口燥手足逆冷常
 常自汗腰背強急骨肉酸疼咳嗽喘乏不能飲食
 或因勞傷過度或因病後不復
 黃芪 人參 橘皮 當歸
 桂心 細辛 前胡 甘草

茯苓 麥門冬各二 芍藥各二 附子炮去皮

熟地黄各二 半夏湯洗二 遠志三分

右為劉散每服四錢水一盞半姜五片棗二箇煎七分去滓食前服腹滿食少去棗下焦虛冷不甚渴小便數者倍入參當歸附子煩渴引飲加栝樓根遺泄白濁加龍骨白欬小腹急引心痛者加乾姜

養榮湯治積勞虛損四肢沉滯骨肉酸疼吸吸少氣行動喘噎小便拘急腰背強痛心虛驚悸咽乾唇燥飲食无味陰陽衰弱悲憂慘戚多卧少起久者

積年急者百日漸至瘦削五臟氣竭難可振復又治肺與大腸俱虛欬嗽下利喘乏少氣嘔吐痰涎

黃芪 當歸 桂心 甘草

橘皮 白朮 人參各一 白芍藥三兩

熟地黄 五味子 茯苓各三 遠志去心炒

右為劉散每服四大錢水一盞半姜三片棗二箇煎至七分去滓空腹服便精遺泄加龍骨一兩咳嗽加阿膠甚妙

十補丸治真氣虛損下焦傷竭臍腹強急腰脚疼痛亡血盜汗遺泄白濁大便自利小便滑數或三消

渴疾飲食倍常肌肉消瘦陽事不舉顏色枯槁久服補五臟行榮衛益精髓進飲食

附子炮去皮臍 乾姜炮 桂心 鬼絲子酒浸軟別研

厚朴去皮炒 巴戟去心 遠志去心姜汁浸炒 破故紙炒

赤石脂煨各一兩 川椒炒出口汁去子并合口者二兩

右為末酒糊丸梧子大温酒塩湯任下

遠志丸 治心腎氣不足驚悸健忘夢寐不安遺精面

少色足脛酸疼

遠志志炒 山茱炒 熟地黄 天門冬去心

龍齒水雞各六兩 麥門冬志 五味子 車前子炒

白茯苓 茯神去木 地骨皮 桂心各五兩

右為末蜜丸梧子大每服三十九至五十九空心服温酒米湯任下

張走馬家秘真丹 治房室過度或用意思唯精洩自出腰背酸弱不能屈伸食不生肌兩脚痠痛不能步履

草烏頭或用川烏 牡蛎粉炒烏頭一兩令裂去皮臍牡蛎不用 五倍子半兩

右為末糯米糊丸如梧子大空腹塩湯下三三五十五圓

蓮子丹 治真氣虛憊口苦舌乾心常慘戚夜多異夢

晝少精神或夢鬼交通遺泄白濁小便餘瀝陽事不舉目暗耳鳴

新蓮肉四兩去心皮 白龍骨一兩醋煮 甘草一分

右為末車前草汁入麵少許煮麵糊丸如菘豆大每服三五十九丸塩湯酒任下

家韭子丸 方證見遺尿門

威喜丸 治精氣不固餘瀝常流小便白濁夢中頻泄及婦人血海久冷白帶白漏白淫身常濕小便如

米泔或无子息

白茯苓四兩 木猪苓一分去皮煮 黃蟻四兩

右只以茯苓一味為末鎔黃蟻為丸彈子大空心細嚼令口生津徐嚥兼治兩耳虛鳴口乾

鎖陽丹 治脫精洩不禁

桑螵蛸三兩瓦上焙燥 龍骨一兩別研 白茯苓

右為末麵糊為丸梧子大每服七十九丸煎茯苓塩湯下食前服 一方用茯苓猪苓木饅頭和皮子切各等分為末 又方用破故紙青塩槌碎等分同炒香為末並每服二錢米飲調下

十四友丸 補心腎虛怔忡昏憤神志不寧睡卧不安故經曰臟有所傷情有所倚人不能懸其病則卧

不安

當歸 洗

熟地黄

白茯苓

白茯苓 去木

人参

黄芪

阿膠 蛤粉炒

酸棗仁 炒

栢子仁 別研

紫石英 同上

遠志 湯浸洗去心
酒酒蒸炒乾

肉桂 各二兩

辰砂 一分 別研

龍齒 二兩 別研

右為末別研五味蜜丸如梧子大每服二十九食

後棗湯下

宣和賜著絲丸 治少年色慾過度精血耗竭心腎氣
憊遺泄白濁腰背疼痛面色黧黑耳聾目昏口乾
脚弱消渴便利夢與鬼交庶事不舉

當歸

酒浸焙
乾半斤

兔絲子

酒浸去土乘濕研
破焙乾秤一斤

薏苡仁

茯神

去木

石蓮肉

去皮

鹿角霜

熟地黄

各四兩

右為末用著一斤錐碎水六升浸一宿次早按洗
味淡去滓於銀右器中熬汁成膏搜和得所搗數
千杵丸如梧子大每服五十九丸加至百丸米湯溫
酒任下空心食前服常服守中安神禁固精血益
氣駐顏延年不老

參香散 治心氣不寧諸虛百損肢體沉重情思不樂
夜多異夢盜汗失精恐怖煩悸喜怒無時口乾咽
燥渴欲飲水飲食減少飢肉瘦瘁漸成勞瘵常服

補精血調心氣進飲食安神守中功效不可盡述

人參 黃芪 白茯苓 白朮

山藥 蓮肉去心各一兩 縮砂仁 烏藥

橘紅 乾姜炮各半兩 甘草炙三分 南木香

丁香 沉香二分

右為鹿末每服四錢水一大盞姜三片棗子一箇煎七分去滓食前服一法有炮熟附子半兩

三因極一病證方論卷之十三終

三因極一病證方論卷之十四

水腫叙

夫腎主元氣天一之水生焉肺主沖化地四之金屬焉元氣乃水中之火所以太陽合少陰主精髓以滋血沖化乃土中之金所以太陰合陽明主肌肉以養氣今腎虛則火虧致陽水凝滯肺滿則土溢使陽金沉滯則氣閉凝滯則血淖經絡不通上為喘急下為腫滿故經曰腎為少陰肺為太陰其本在腎其末在肺皆至陰以積水也所以能聚水而生病者蓋由腎為胃關關鍵不利樞機不轉水乃不行滲透經絡皮

膚浮腫諸證不同廣如經說治法曰平治權衡者察
脉之浮沉也去榮陳莖者疎滌腸胃也開鬼門潔淨
府者發汗利小便也原其所因則昇風寒暑濕屬外
喜怒憂思屬內飲食勞逸背於常經屬不內外皆致
此疾治之當究其所因及諸禁忌而為治也

水腫證治脉例

古方十種證候以短氣不得卧為心水兩脇疼痛為
肝水大便鴨溏為肺水四肢苦重為脾水腰痛足冷
為腎水口苦咽乾為膽水下虛下實為大腸水腹急
肢瘦為膀胱水小便秘澀為胃水小腹急滿為小腸

水各隨其經絡分其內外審其脉證而甄別之然此
十水謂之正水外有風水皮水石水黃汗以義攷之
風合歸肝皮合歸肺黃汗歸脾石合歸腎雖各理不
踰柰證候少異古方備列不可不辨但風水脉浮必
惡風皮水亦浮按不沒指石水脉浮不惡風皮水亦
浮按不沒指石水脉沉腹滿不喘黃汗脉沉遲發熱
多涎久而不愈必致癰膿正水寸口脉浮而遲浮則
熱遲則潛熱潛相搏名曰沉跌陽脉浮而數浮則熱
數則止止熱相搏名曰伏沉伏相搏名曰水沉則絡
脉虛伏則小便難虛難相搏水走皮膚即為正水此

金匱節文所以用寸口跌陽二脈者蓋水氣不在一經也夫抵浮脈帶數即是虛寒潛止於其間又必沉伏沉伏則陽虛陰實為水必矣要知水脈必沉論曰脈出者死與病不相應也諸唇黑則傷肝缺盆平則傷心臍出則傷脾足平則傷腎皆平則傷肺凡此五傷必不可療也治法曰腰以上腫宜發汗腰以下腫宜利小便學者當知之

復元丹治水腫夫心腎真火能生脾肺真土今真火氣虧不能滋養真土故土不制水水液妄行三焦不寫氣脈閉塞樞機不通喘息奔急水氣盈溢滲

透經絡皮膚溢滿足脛尤甚兩自下腫腿股間冷口苦舌乾心腹堅脹不得正偃偃則咳嗽小便不通夢中虛驚不能安卧

附子

炮貳兩

南木香

煨

茴香

炒

川椒

炒去汗

獨活

厚朴

去皮剉姜製炒

白木

畧炒

陳橘皮

吳茱萸

炒

桂心

各壹兩

澤瀉

壹兩

肉豆蔻

煨

檳榔

各半兩

右壹拾參味為末糊圓梧子大每服伍拾圓紫蘇湯下不以時此藥世傳屢驗未嘗示入其間君臣佐使與造物同妙服者自知要當屏去諸藥一日三服先次旋利如傾次乃腫消喘止蓋藥能助真

火以養真土運動樞機安平必矣法當禁慾並絕鹹半年乃不再作

當歸散治如前

當歸洗 木香煨 赤茯苓 桂心 檳榔

赤芍藥 牡丹皮 陳皮 木通 白木各剉焙乾等分

右為末脚膝頭面腫大小便不快每服貳錢水壹盞紫蘇貳葉淡木瓜壹片如指大同煎八分温服日參如已愈常服早晚貳覺氣下或小便快是效藏寒去檳榔臍已凸添大腹皮木猪苓各一兩忌烏雞肉鹹酸海味物

正陽丹治水腫

宣木瓜乾四兩濕者一个剉童子小便人參一兩

大豆乾十兩 附子炮半兩 銀朱二分

右為末入銀朱研勻以木瓜膏丸如梧子大每服五十九丸米湯下

消腫丸治水腫喘滿小便不利

滑石 木通 白木 黑牽牛炒

通脫木 茯苓 茯神去木 半夏湯去滑

陳皮各一分 木香半分 瞿麥穗 丁香各半

右為末酒糊丸如梧子大每服三十九丸燈心麥門冬

湯溫服

消腫散 治水氣浮腫喘呼不得睡煩熱躁擾渴燥大

小便不利

大黃

蜜蒸

山梔

炒

甘草

炙

乾葛

橘皮

麻黃

去節

馬牙硝

川芎

各等分

右為細末蜜湯調下二錢

棗仁散 治水氣浮腫無問久新老少悉可服唯禁鹽

必效

棗仁

赤茯苓

桂心

各等分

右為末每服二錢米飲調下

禹餘糧丸 治水氣浮腫水氣丸脚膝腫上氣喘滿小便不

利但是水氣悉皆主之

蛇黃

大者三兩以新鐵銚盛入一秤炭火中燒蛇黃入醋二升中候冷取禹餘糧五兩先用真針沙

出研極細則止即含石禹餘糧五兩先用真針沙

淨控乾更以銚子炒乾入禹餘糧一處用米醋二

升就銚內煮醋乾為度却用銚并藥入一秤炭火

中燒通赤傾藥淨磚地以三物為主其次量入虛

實入下項藥治水多是取轉准此方三物既兆大

故虛老人可服

木香

茯苓

川芎

羌活

白豆蔻

炮

土茴香

炒

蓬朮

炮

牛膝 酒浸

五

桂心

乾姜 炮

青皮

去穢

京三稜

炮

白茯苓

附子 炮

當歸

酒浸一宿各半兩虛人若人全用半兩實壯人減之

右為細末，拌極勻，以湯浸蒸餅，揆去水，和藥再搗極勻。丸如梧子，大食前溫酒白湯下三十丸。至五十丸，唯忌鹽，雖毫末許不得入口。若無以為味，即水病去後，且以醋少許調和，食不能忌鹽，勿服果欲去病，切須忌鹽，但試服藥，即於小便內旋去，不動臟腑病去。日白三服，兼以溫和調補氣血藥助之，真神方也。

第一退水丸 能化氣退水腫，去苑壅，利濕通小便。

蓬木 炮

三稜 煨

桂心

青皮

益智

各半兩

巴豆

二兩去皮出油別研

右為末，麪糊丸如梧子，大用黃梔十個，劈破，煎芥

黑牽牛酸漿草各少許，煎湯空腹下三三十九丸。

第二退水餅 服前藥未效，即服此方。

甘遂

大戟

右為末，入麪打水調為餅，如碁子，大火煨熟，五更

淡茶湯嚼下一餅。

第三大腹子散 取轉後調止胃氣，進食。

大腹子 炒

桂心

茴香 炒

陳皮

各半兩

右為末每服二錢米飲調下

桃紅散

治正水脹急大小便不利逆欲死方

其遂

半兩半 生半炮 坯別研 十文

右為末研勻每用一錢以白麵四兩水調入藥搜和切作碁子白水煮浮更不得使鹽料物只淡食候大小便利去五六分却用後藥調補

平胃散

一兩 附子 炮

白木 各一兩

丁香 半兩

右為末和勻每服二錢水一盞薑七片棗三枚煎七分不拘時候日三五服若脚未退可灸三陰交及風門穴腫退必矣

太凡治通身腫滿及痰氣食積傷寒感風脾氣橫溢

羌活

白木

各半兩

陳皮

木通

黃芩

桑白皮

各三分

木香

一分

黑牽牛

五兩炒 五兩生

右為末蜜丸如彈子大治風痰散腹脇壅滯清頭目濃煎生姜湯下取食傷止赤白痢煎棗湯下小便不利燈心湯下傷寒葱茶下如未快用稀粥投之用熱茶湯亦可須七日後方可服已得瀉急欲止之投冷白粥即自止婦人產前並宜服之既服此藥須住他藥三日及不得喫生冷葷腥及滋味

一日只軟飯淡粥可也次日早進千金散

藿香 甘草炙 乾姜炮 神麴炒 茯苓各一兩

人參 桂心各半兩 陳皮 厚朴製各二兩

右為末每服二錢水一盞姜三片煎七分鹽一捻

通口服

葶藶大丸治腫滿腹大四肢枯瘦小便澀濁

甜葶藶紙隔炒 薺菜根等分

右為末蜜丸如彈子大每服一丸陳皮湯嚼下只

三丸小便清數丸腹當依舊

料簡

病有風水皮水石水黃汗皆與正水同為治自別

大豆湯治風水通身腫骨節疼惡風自汗眼合不得

短氣欲絕其脉浮

大豆 杏仁炒去皮尖 麻黃去節 防風 防己

猪苓去皮各四兩 澤瀉 黃芪 烏頭炮各三兩 半夏湯七

茯苓 白朮各五兩 甘遂炒 甘草炙各二兩

右改咀每服五錢水二盞酒半盞姜七片煎七分去滓不計時服以大小便利腫消則停藥未知加生大戟伍兩葶藶二兩紙炒香無不快利甘草反甘遂似不當同用之却效非人情所可測也

五皮飲 治皮水四肢頭面悉腫按之没指不惡風其腹如故不喘不渴脉亦浮

大腹皮 炙桑白皮 炙茯苓皮 生姜皮 陳橘皮 各一分

右咬咀每服四錢水盞半煎七分去滓熱服日二三近人磨木香水少許同煎亦妙

澤漆湯 治石水四肢瘦腹腫不喘其脉沉

澤漆 洗去腥 五兩 射干 泔浸 黃芩

茯苓 白朮 各四兩 澤瀉 防己 各二兩

右咬咀每服五錢水三盞烏豆一合煎二盞內藥同煎七分去滓空腹溫服日三

黃汗依五疸法治之用黃芪酒

料簡

病有水腫相類者曰膚脹鼓脹腸覃石瘕脾氣橫泄五種治法亦復不同除鼓脹見脹滿門腸覃石瘕見婦人門令具膚脹及脾氣橫泄如后

附子菹豆湯 治寒客皮膚殼殼然而堅腹大身腫按之陷而不起色不變病名膚脹一劑未知再作

大附子 重七錢 者一个 菹豆 二兩 生去皮剉半破

右以生姜一兩切水二椀煎至一椀絞去滓分三服空腹溫服次日將前附子破作四片再用菹豆

二兩姜一兩如前煎服第三日復將附子作八片如前煎

無礙丸治脾氣橫泄四肢浮腫心腹脹滿喘不得臥

蓬木 煨 三稜 根各 大腹皮 各二 木香 炮

檳榔 一分

右為末炒麥蘖搗粉為丸如梧子大每服二十九生薑湯下

三稜煎治如前 方見癥瘕門

茯苓分氣飲治脾胃不和胸膈噎塞腹脇疼痛氣促喘急心下脹滿飲食不進嘔吐不止兼脾氣橫泄

四肢浮腫

五味子 桔梗 茯苓 甘草 陳皮

桑白皮 草果 大腹皮 各二 紫蘇葉

右為麤末每服四錢水一盞姜三片鹽少許煎七分去滓食前服

麻黃甘草湯治氣急積久不差遂成水腫如此者衆諸皮中浮以水攻而目身體從腰以上腫當以此湯發汗

麻黃 二兩去節湯 甘草 一兩

右為剉散每服四錢水一盞半煎七分去滓空腹

温服

茯苓蘇子丸 治面腫小便澀心腹脹滿

茯苓 蘇子 杏仁去皮尖 橘皮

防已 葶藶各一分

右為末蜜丸如小豆大以桑白皮湯下二十九食後服

料簡

夫洪腫門類極多自正水之餘有風水皮水石水黃汗等分入水門如脾氣橫洩脚氣支滿膚脹鼓腸單石瘕與夫造作干犯土氣也作浮腫屬血屬氣理自

不同柰外證相類未易甄別若不預學臨病必迷錯亂汗下皆鑿殺之更有氣分血分亦入腫門類治法類別其可不學古方類例雖明多見不學者抄寫數方一道施治倘非其病妄投其藥盛者致困困者必死況有飲食禁忌種種不同學者勉旃不可輕玩以病試藥甚為不仁戒之血分方見婦人門氣分方論附于后

氣分證治

氣分與胸痺中滿皆相類但胸痺屬氣實中滿為氣虛氣分則挾涎飲氣為涎飲所隔榮衛不利腹滿脇鳴相逐氣轉膀胱榮衛俱勞陽氣不通則身冷陰氣

不通則骨疼陽前通則惡寒陰前通則痺不仁陰陽
相得其氣乃行大氣轉其氣乃散實則失氣虛則遺
溺乃知氣挾涎飲之所為也其脉寸口遲而濇遲則
為氣不足濇則為血不足跌陽脉微而遲微則為氣
遲則寒斯證也名曰氣分

桂附湯治心下堅大如盤邊如旋盤水飲所作名曰

氣分

桂心 三兩 甘草 炙

麻黃 去節湯 焙乾秤 細辛 去苗各 二兩

右為剉散每服四錢水一盞半生姜七片棗三個
煎七分去滓溫服汗出如虫行皮中即愈

枳朮湯治心下堅大如盤邊如旋盤水飲所作名曰

氣分

枳實 一兩 白朮 三兩

右為剉散每服四錢水一盞半煎七分去滓溫服
腹中軟即當散也

陰癩叙論

夫陰癩屬肝係宗筋胃陽明養之世多不識謂之外
腎非特名義差錯亦使內臟不分其可不辨古方雖
出四證但曰腸癩氣癩水癩卵脹殊不別其所因如
腸癩則因房室過度元臟虛冷腸邊管系不収墜入

癩中上下無定謂之腸癩屬不內外因病者又畜憂思恐怒兼并隨臟氣下墜陰癩腫脹急痛名曰氣癩屬內所因病者又坐冷濕濕氣下襲致陰腫脹名曰水癩屬外所病者勞役無節及跨馬坐車致卵核腫脹或偏有大小上下無常名曰卵脹亦屬不內外因有小兒生來便如此者乃宿疾也卵脹腸癩皆難治氣癩水癩治之易愈又寒疝下注入于癩中名爲狐疝亦屬癩病世人因此並以癩病爲疝氣不審之甚婦人陰門挺出亦稱癩病名義不分有如此者

陰癩證治

凡癩病唯腸癩無問貴賤多有之有睡卧營系延入脇下者有墜入囊中者或遇疲勞及天色變動逼上囊根腫急作痛過於寒疝得煖則下其如卵脹有作熱生膿爲癰潰爛者比比有之

茱萸內消丸治陰癩偏大上攻臍腹疔痛膚囊腫脹

或生瘡瘍時出黃水腰腿沉重足脛腫滿行步難

辛服之內消不動腑臟

川練三兩剉炒 大腹皮 五味子 海藻洗

玄胡索各二兩半 茴香炒 桂心

川烏炮去皮尖 吳茱萸 石茱萸

白蒺藜各二兩 枳實麩炒去穰 橘紅

桃仁麩炒各一兩 木香半兩 桔梗

青皮各二兩 山茱萸二兩

右為末酒糊丸如梧子大温酒下三十丸

大戟丸治陰癩腫脹或小腸氣痛

大戟去皮剉炒 葫蘆巴四兩 木香一兩

附子炮去皮臍 舶上茴香 訶子煨去核

檳榔各一兩 川練後入 麝香半兩

右為末獨留川練以好酒一二升葱白七枚長三四寸煮川練軟去皮核取肉和上件藥丸如梧子

大空心温酒下五七丸至十丸姜湯亦得潮發疼痛炒姜熱酒下十五丸

煉陰丹治陰器下墜腫脹卵核偏大堅如石痛不可忍

玄胡索微炒去殼 海藻洗 昆布洗 青皮

茴香炒 川練去核 馬蘭花各一兩

木香半兩 大戟酒浸三宿切片焙乾一分

右為末別將礪砂阿魏安息香各一分用酒醋各一升淘三物去炒石熬成膏入麝香一錢沒藥一分入前藥和丸如菉豆大用綿灰酒下十丸至十

五九空心服

抵聖丸治膀胱有熱多因天氣熱而發陰癩腫滿赤痛大便燥欲飲水按之臍腹痛

續隨子 慧苡仁 郁李仁 茵芋

白牽牛各一分

右為末滴水丸如梧子大五丸用博濟方香姜散噉黃昏服五更利下惡物效

兼金丸治熱入膀胱臍腹上下兼脇肋疼痛便燥欲

飲水按之痛者

大黃濕紙裹 硝石 桂心 甘草各四兩

桃仁四十個 去皮尖

右為末蜜丸梧子大米飲下五七丸至十丸婦人血閉疼痛亦宜服之

應痛丸治敗精惡物不去結在陰囊成疝疼痛不可

忍久服去病

阿魏二兩醋和用香麥麩作餅厚三指裹阿魏煨火煨熟

檳榔大者二個刮作瓮子滿盛的乳香將刮下未用香麥麩拌作餅子煨火煨熟

右同研為末入礪砂末錢赤芍藥末一兩同為麩

糊搜和丸如梧子大溫酒鹽湯下十九至二十九

食前服

疾藜丸治囊核堅大行動艱辛發作牽連偏墜疼痛

白疾藜微炒去刺海藻浸洗去鹹澤瀉各一兩茴香炒一兩半

桂心 木通 牛膝剉酒浸 五味子

木香煨 檳榔各二兩 茯神去木 人參

遠志水浸去心姜汁炒各三兩 川練去皮核炒 桃仁去皮尖炒別研

赤芍藥 續斷 山茱萸 茯苓酒

青皮各四兩

右為末蜜丸梧子大空心食前温酒鹽湯下三五十九

三白散治膀胱蘊熱風濕相乘陰癩腫脹大小便不

利

白牽牛畧炒二兩 白朮半兩 桑白皮 陳皮

木通各半兩

右為末每服二錢姜湯調下空腹服初進一服未覺再進此藥不損臟氣只導利留滯疝方大率多用熱藥此方唯壅熱證宜服之

蜘蛛散治陰狐癩氣偏有小大時時上下脹入

蜘蛛十四个 桂心半兩

右為末蜜丸梧子大米飲下十九

牡丹散治癩偏大脹不能動坐卧不安

牡丹皮 防風 等分

右為末酒服方寸七小品有桂枝豉鐵精共五味
嬰兒以乳汁調一字許

香附散 治癩脹

香附子 不拘多少

右為末每用酒一盞煎海藻一錢重至半盞先澆
海藻嚼細用所煎酒調香附末二錢服

雄黃散 治陰腫大如斗核痛人所不能治

雄黃 一兩 礬 二兩 研 甘草 生半兩

右為散以水五升煎洗之

癰疽叙論

發背癰疽者該三因而有之論云癰疽瘰癧不問虛
實寒熱皆由氣鬱而成經亦云氣宿於經絡與血俱
澁而不行壅結為癰疽不言熱之所作而後成癰者
此乃因喜怒憂思有所鬱而成也又論云身有熱被
風冷搏之血脉凝泣不行熱氣壅結而成亦有陰虛
陽氣湊襲寒化為熱熱成則肉腐為膿者此乃外因
寒熱風濕所傷而成也又服丹石及灸燔酒麪温床
厚被所致又盡力房室精虛氣節所致者此乃因不
內外所傷而成也故知三因備矣又論云癰者節也

三因方卷之十四
癰疽者壅也疽者沮也如是但陰陽不平有所壅節皆成癰疽又曰陰滯於陽則發癰陽滯於陰則發疽而此二毒發無定處當以脉別之浮洪滑數則為陽微沉緩濇則為陰陰則熱治陽則冷治治之之要雖有四節八事所謂初覺則宜熱拔毒已潰則排膿止痛膿盡則消肌肉塞惡肉盡則長肌傳痂次序固明若不別其因施治亦昧故治法中有用遠志宣熱者得非內因乎至於外因則用大黃不內外因則用甘草世醫但泥方書多用五香連翹與漏蘆二湯更不知三因所自其可守一法而普攻之既得其因又須觀

病淺深與證候吉凶寒則溫之熱則清之虛則補之實則瀉之導以針石灼以艾炷破毒潰堅以平為期各有成法近胡丞得一方甚寶秘之持以獻洪丞相丞相與之作序言重於世已遍行矣其方乃千金內補散添黃芪加入參減桂間有輕者服之稍效若真癰疽為害反甚內補散當用在第四節當前服內消等藥候膿盡方得投苟專用之亦所謂守一法也孔子不嘗未達之藥者良有旨哉士夫當深味斯言無輕信醫方誤天下後世謹之謹之

癰疽證治

病者脉數身無熱而反洒淅惡寒若有痛處背發其
癰腫欲知有膿無膿以手掩上熱者為有膿不熱為
無膿此亦大略說也自有脉不數不熱而疼者蓋發
于陰也不疼尤是惡證不可不知凡熱盛脉數即用
漏蘆並單煮大黃等湯不甚熱脉緩弱只投五香連
翹湯其它依四節八事次序及推三因以用藥未有
不全濟也

遠志酒治一切癰疽發背癰毒惡候浸大有死血陰
毒在中則不痛傳之即痛有憂怒等氣積而內攻
則痛不可忍傳之即不痛或溫熱在內熱通入手

不可近傳之即清涼或氣虛血冷潰而不斂傳之
即斂此本韓大夫宅用以救久極驗若七情內鬱
不問虛實寒熱治之必愈

遠志不以多少湯洗去泥搥去心
右一味為末酒一盞調三錢遲須澄清飲之以滓
傳病處

大黃湯孫真人云緩急單煮大黃一味為湯服即快
利此要法

獨聖湯治服金石及食炙燻飲酒房勞為癰疽及諸
惡瘡疼痛

甘草 半斤生剉

右一味以水一斗浸一宿煎至五升以水去滓入銀石器煎熬為膏分二服温酒下臨卧一服次日五更一服當取下惡物為效

通聖雙行湯治傷風寒暑濕或泣或散使氣血滯凝

肉腐為膿壅結成癰疽隨處發作

大黃蒸一兩 木鱉去殼 防風 枳殼

桔梗 甘草 各一分

右為剉散每服四大錢水一盞煎七分去滓入朴消兩錢重煎鎔熱服得踈轉一兩次即服萬金湯

若陰證只服萬金不可用通聖雙行也

萬金湯治癰疽發背發眉發鬚鬚發腦婦人乳癰等定痛去毒

甘草 半兩 沒藥 一分 放蕒 一个去皮

右為剉散以無灰酒三升煮至一升去滓隨量旋飲盡或出血或出黃水是效

五香連翹湯治一切惡核瘰癧癰疽惡腫等病

青木香即船上木香 沉香 董木香即乳香 丁香

麝香 升麻 桑寄生 獨活

連翹 射干 木通 各二兩 大黃蒸三兩

右為劉散每服四錢水二盞煎七分空腹熱服以快利為度本方有芒消可去之只加大黃作五兩

忍冬草 取嫩苗 甘草 八分灸剉

右同研入酒一升半砂瓶塞口煮去滓溫服仍以滓傳腫毒上又木蓮葉四十九片措去毛研細酒解溫服功與忍冬草不相上下又龍鱗薜荔一握細研以酒解汁溫服亦能瀉下惡物去其根本轉毒散治發背癰疽不問淺深大小利去根本不動元氣神效

車螯 紫背光厚者 甘草 生一分 輕粉 半分重

右以鹽泥固濟車螯火煨取末一兩入甘草末同輕粉研勻濃煎枯樓酒調下四錢匙五更初服轉下惡物為度未知再作枯樓每用一箇酒一椀煎一盞為一劑

靈寶膏治發背癰疽宜熱拔毒排膿止痛

大菰萇 三十個去皮穰取子炒香取仁細研 乳香 二兩
胡桃 六十個取肉去皮同菰萇研細 白蜜 一斤
右以銀石器內慢火熬成膏每服兩大匙溫酒調下不以時候服

托裏散治癰疽欲發未潰及已潰服之內托不使透

膜

放蕪子

去穢

鬼腰帶皮

皂角刺

射干

即仙人掌根紅花者是

天羅放

取子各

茴香

木鱉

五个

漢椒

各一

右焙乾為末，麩薄糊調作餅，灸乾為末，每服一二錢，酒調下，不飲酒以木香湯下。

白玉膏收縮癰疽，令不蔓衍，切忌用冷藥外貼，逼毒

氣入裏殺入

杏仁

二十一粒去皮尖別研

川椒

四十九粒去目出汗為末

清油

一兩

酒蠟

半兩

右文武火熬用柳青枝打紫黑色綿濾過再熬滴

永成珠收淨器內看瘡大小作新月樣紙花團圓

貼候暈收更促小瘡頭聚用後藥傳

續連散治癰疽瘡腫未潰已潰皆可傳

續連

黃連

各半

川山甲

大者十片燒存性

右為末先點好茶以翎毛刷過瘡仍以茶清調藥傳瘡上如熱甚則以雞子清調傳膿已潰則用長肌藥未快則用替針丸

替針丸治癰疽雖潰而膿不出用之即快

堆雀糞

二十七個直者是

礪砂

一字別研

陳倉米

一字為末

沒藥

一字研

右研勻以米飲丸如粟米每用一粒貼在瘡頭或瘡眼中即潰膿出

生肌散傳癰疽瘡毒即生肌

黃狗頭骨燒存性 臙粉一分 桑白皮各一兩

右為末生麻油調傳自通聖萬金神異白土攪連替針生肌凡七方是一家行用均濟三因皆良藥也

瞿麥散治癰疽已潰排膿止痛利小便

瞿麥一兩 芍藥 桂心 赤小豆酒浸 川芎

黃芪 當歸 白斂 麥門冬去心各二兩

右為末每服二錢酒調下空腹服

內塞散治癰疽熱退膿血不止排膿止痛

防風 茯苓 白芷 桔梗 遠志

甘草 人參 川芎 當歸 黃芪各一兩

桂心半兩 附子二個 厚朴姜製 赤小豆二兩半

右為末每服二錢温酒米湯調下

千金內補散治癰疽發背惡肌不盡服此消肌生肉

當歸 桂心各二兩 人參 川芎 厚朴姜製

防風 甘草炙 白芷 桔梗各一兩

右為末每服二錢匙酒調空腹服不能飲酒以木

香湯調下

善應膏治癰疽潰後長肌傳瘕

白芷

黃芪

甘草

黃臘

黃丹

黃丹

黃丹

右前三味為麤末春秋用麻油四兩半夏四兩冬五兩熬藥紫赤色綿濾去滓再入黃蠟黃丹以柳枝不住手攪滴水成珠即止用如常法

猪蹄湯洗發背癰疽

猪蹄

黃芪

黃連

芍藥

芍藥

芍藥

芍藥

黃芩

黃芩

薔薇根

狼牙

狼牙

狼牙

狼牙

狼牙

右剉散以水二斗煮猪蹄熟澄清得汁半許入藥

煎至二三分去滓洗瘡以帛拭乾日一二如疼痛加當歸甘草各一分

外食散治癰腫惡肉不盡膿水淋漓傳此能消肌長

肉

白礬

銀窩內用瓦蓋煨令性盡一兩

好染坯

血竭

血竭

血竭

血竭

右研細用桑葉旋搜為膏量瘡大小貼之忌鯽魚酒麪毒物等

瘡漏脉例

經云陷脉為漏留連肉腠脉得寒即下陷凝滯肌肉故曰留連肉腠肉冷亦能為膿血故為冷漏須用濕

藥方如后

陷脉散治漏瘡及二三十年癰瘤或大如杯盂久久不差致有漏潰令人骨消肉盡或堅或軟或潰令人驚惕寐卧不安體中掣痛愈而復作

乾姜炮 琥珀 大黃 附子炮各一兩 丹參三分

石硫黃 白石英 鍾乳粉 烏賊魚骨各半

右為末貯以磁合帚囊勿令洩氣若瘡濕即傳無汁即煎猪脂和傳之以乾為度或死肌不消加芒硝二兩益佳一法用胡燕屎一枚

桂附丸治氣漏冷痛諸瘡

桂心 附子炮烈米醋中浸再炮滓三五次去皮尖 厚朴姜製

甘草炙 白朮各一分 木香一分 乳香二錢別研

右為末煉蜜丸梧子大空腹米飲下二三十九

癰疽灸法

夫癰則皮薄腫高疽則皮厚腫堅初發並宜灼艾唯癰成則宜針疽膿成則宜烙若能審其名證早早施治仍用藥以攻利其根補托其裏不必告醫自料亦差但世人忽之爾醫方所以冠癰疽於雜病之先者知為大病也世醫失治療之序顛倒錯亂多致枉夭良可歎息故備集得效灸法以貽學者庶不致妄投

也
治初生癰疽發背神效灸法累試有驗江寧府紫極
觀因掘得石碑載之

凡人初覺發背欲結未結赤熱腫痛先以濕紙覆其上立視候之其紙先乾處即是結癰頭也取大蒜切成片如當三錢厚薄安其頭上用大艾炷灸之三壯即換一蒜片痛者灸至不痛不痛灸至痛時方住最要早覺早灸為上一日二日十日十活三日四日六日七活五六日三四活過七日則不可灸矣若有拾數頭作一處生者即用大蒜研成膏作薄餅鋪頭上聚

艾於蒜餅上燒之亦能活也若背脊上初發赤腫一片中間有一片黃粟米頭子便用獨頭蒜切去兩頭取中間半寸厚薄正安於瘡上却用艾於蒜上灸十四壯多至四十九壯

三因極一病證方論卷之十四

